



**Quæstionum Canonicarum, In Quinque Libros
Decretalium, Tomus ...**

In Librum I. Decretalium, Per quadraginta, & tres Titulos distributum, in
quo agitur De Constitutionibus, Seu Legibus universim ...

Krimer, Ferdinand

Augustæ Vindelicorum, 1706

§. VI. Qualiter consuetudo præscribatur?

[urn:nbn:de:hbz:466:1-73031](#)

niendō, & corrigendō excessus subditorum, debeat requirere consilium Capitulū; consuetudo tamen, *hoc non requirendi*, si sit canonice præscripta, non est reprobanda, ut dicitur c. *Non est, de consuetud. in 6.*

§. VI.

Qualiter consuetudo præscribatur?

1700. *A*nte resolutionem not. i. *consuetudinem propriè non præscribi, sed per eam præscribi contra legem. Cæterū consuetudinem præscribi nihil aliud est, quam eam tempore ad præscriptionem requisito continuatam esse.* Hinc consuetudo *præcripta* (ut tenet Panormitanus in c. *Non est, de consuetud. in 6. n. 7.* apud Percyram in *Elucidar. n. 249.*) nihil aliud significat, nisi *esse obtentam per cursum temporis requisitum præscriptionem.*

1701. Not. 2. inter ipsas consuetudines *facti*, quæ contra legem vigent, esse discriminē. Nam aliquæ sunt, quæ, dum vigent, habent saltem tacitum consensum Principis, seu legislatoris, quod contingit, dum *conscius consuetudinis, legi contrariæ, sicut nec esto commodè posset, legis observantiam urget: alia, quæ nec talēm consensum habent, sed sunt, Principe penitus ignorante frequentiam actuum legi suæ contrariorum.*

1702. Not. 3. per consuetudinem legi contraria, quæ importat tacitum Principis consensum, non *præscribi propriè contra legem, cui contrariatur.* Nam præscriptio currit absque illius consensu, contra cuius jura præscribitur. Unde in tali casu lex, cui talis consuetudo contrariatur, potius ab ipso Principe censeretur tacite revocari, ipso nimis cedente juri suo. Et hæc consuetudo *facti* non est regulanda secundūm principia præscriptionis, nec propriè præcripta dicitur. V. *tamen num. 1649.*

1703. Not. 4. *præscribere contra legem Ecclesiasticam, & præscribere contra Ecclesiam, esse diversa, pro quo advertendum, frequentiam astuum contra legem, per tempus jure definitum continuatam, in juribus appellari quidem præscriptionem, non tamen esse præscriptionem propriè dictam, sed quasi præ-*

scriptionem. Nam præscriptio propriè dicta multis modis differt à consuetudine contra legem, etiam tempore debito completa, ut dictum est à *num. 1649.* hinc contra illum duntaxat *propriè præscribi* dicitur, cujus dominitum, aut *ius, cum jaetura, & damno ejus minuitur, & tollitur; id, quod non haber præscriptio contra legem Ecclesiasticam, cùm nihil minuat, aut tollat de utilitate, & commodis Ecclesie, ne quidem ut legislatrix est, cùm leges non ferantur in commodum legislatoris, sed subditorum ex nu. 91. & seq. quibus positis:*

Quæstio est, quantum tempus requiratur, ut consuetudo (*ratione temporis*) dicatur legitimè præcripta? Leges enim, quæ consuetudini concedunt vim abrogandi legem, cui contrariatur, ad eam requirunt temporis diuturnitatem, ut constat ex *dictis*; quantum porro tempus requiratur, ut talis meritò, & ad prædictum effectum *diurna* dicatur, controversum est inter Doctores. Aliqui enim requirunt tempus immemorale; alii definiendum arbitrio Judicis; alii distinguunt, & volunt sufficere decennum, si sit *præter*, vel *contra* legem ci-vilem: 40. annos, si contra canonicam; alii demum ad omnem consuetudinem (cui competat vis abrogandi legem, cui contrariatur, sive civilis sit, sive canonica) volunt sufficere, si duravit decenniò.

Hæc postrema opinio communior est; 1705 & probabilior, cāmque tenet Suarez l. 7. de legib. c. 8. nn. 7. juncto c. 15. nn. 5. 8c c. 18. nn. 12. compluresque alii ibidem relati, ante cuius probationem not. i. tempus aliud esse *continuum*, quod nempe absque ullo intervallo dierum accipitur; ita etiam ut numerentur dies festi, & profestī, sive præsens sit, sive absens Reus, vel Actot; sive sit, sive non sit Judicis copia, L. ult. C. de *præscript. long. temp. & non continuum*, & hoc *utile* vocant Juris-consulti; quia in hoc dies festi non supputantur: item quia non habetur ratio dictum, in quibus legitimū subsit impedimentum; vel justa excusatio absentiae, morbi, aut alterius causæ, c. *ne pro defecitu, de eleſt.* Sunt tres differentiae temporis, scilicet præteriti, præsentis, & futuri. An verba temporis præsentis, vel præ-

titū

riti trahantur ad futurum, edisserit Bartolus ad L. talis *scriptura*, ff. de legib. 1.

nem esse contra Ecclesiam; nam, ut ibidem diximus, nihil de bonis ejus & commodis tollit.

Not. 2. ex Pereyra in *Elucidario num.* 1134. *longum, & diuturnum tempus* valde assimilari. Nam *diuturnum tempus* decem annorum est; id, quod etiam habet *longum tempus*, ut videri potest in *Institut. de Usucaptionib. in princip. Longatum autem dicitur pro inveterato, seu annis onusto, L. de quibus, ff. de legibus, quibus positis:*

Resp. 2. dato antec. N. conseq. 1. quia tempus illud 40. annorum requiritur solum pro *præscriptione* contra Ecclesiam propriè dicta, eò quod sit diminutiva utilitatum, & commodorum ejus, id, quod non habet *præscriptio* contra legem Ecclesiasticam ex cit. n. 1703. Deinde *præscriptio contra legem Ecclesiasticam* non est contra Ecclesiam, sed potius pro illa, cum procedat ex ipsius consensu tradito in c. fin. h. t. hæc abrogatio.

Hinc argumentum potius militat contra suos Authores. Nam *præscriptio contra Ecclesiam*, sit sit *præscriptio* propriè dicta, nimirum bonorum, vel juris ablativa, ideo requirit tempus 40. annorum; quia propriè est contra Ecclesiam, utpote adversa bonis ejus, & commodis; at *præscriptio contra legem Ecclesia* non est *præscriptio propriè, nec est contra, sed potius pro Ecclesia*, ut constat tum ex num. præced. tum ex dictis n. 1702. ergo.

Not. 3. ad eam objectionem, qua dicitur, *longum tempus* censeri decennium inter presentes; inter absentes autem requiri vicennium, per L. ult. C. de *præscript. longi tempor.* ergo consuetudo contra legem absente (seu, quod moraliter idem est, ignorantie) Principe, non est legitimè *præscripta*, nisi vicennio responderi tex- tum procedere de *præscriptione* propriè dicta, & adversa illi, contra quem *præscribitur*; non autem favorabili, & fundata in ejus consensu per legem expresso. Cujus ulterior ratio est, quia in his, quæ favorem continent, & formantur menti Legislatoris, ampla interpretatio est; ergo tempus ad *præscribendam* consuetudinem, quæ vim legis abrogativam obtineat, illud sufficiens censendum erit, quod sufficit, ut dicatur consuetudo *longa*, sumendò tempus *longum* in acceptione mitiori, nimirum pro decennio, si consuetudini longæ talis effectus tribuatur dispositione favorabili, & conformi menti Legislatoris; sed dispositio juris, de qua nunc agimus, talis est, ut constat ex dictis; ergo.

Ex hoc etiam resolvitur, quod opponit Menochius de *arbitrar. l. 2. centar. 1. causa 83. n. 6.* volens, quantitatem temporis, ut consuetudo dicatur *præscripta*, definiendam arbitrio judicis, eò quod nec ju-

1706. 1134. longum, & diuturnum tempus valde assimilari. Nam diuturnum tempus decem annorum est; id, quod etiam habet longum tempus, ut videri potest in Institut. de Usucaptionib. in princip. Longatum autem dicitur pro inveterato, seu annis onusto, L. de quibus, ff. de legibus, quibus positis:

1707. Probatur conclusio: consuetudo diuturna habet vim abrogandi legem; ergo, ut dicatur *præscripta* quoad hunc effectum, sufficit *diuturnitas*; sed hæc completur decennio; ergo, ut consuetudo ratione temporis sit *præscripta*, sufficit decennium. Ant. est ex n. 1683. conseq. sequitur ex anteced. nam nulla consuetudo habet vim abrogandi legem, nisi *præscripta*, per c. fin. hic; ergo si consuetudo sit decennalis, erit *præscripta*, quia erit diuturna, per n. 1706. Accedit, quod ad *præscriptionem* legalem, seu legis, nullum aliud tempus exigatur in jure, quam *longum*, at hoc habetur decennio; ergo. Neque rationes in contrarium plus evincent, ut dicemus in seq. quare:

1708. Not. 1. cum dicitur: ad legem inducendam requiritur consuetudo *inveterata* per L. de quibus 32. ff. de legibus. at consuetudo *inveterata est illa*, de cuius initio non est memoria, L. ult. C. que sit *longa consuetudo*; responderi, negandò, quod in cit. L. dicatur, ad legem inducendam requiri consuetudinem *inveteratam*; sed solùm, quod consuetudo *inveterata* pro lege merito *custodiatur*, quando saltem tacitus omnium consensus in idem intervenit, ut constat ex textu superius à n. 1683. relato. Deinde idem effectus expreſſè tribuitur longæ consuetudini, in L. sed & ea, de qua ibidem n. citato.

Not. 2. quando dicitur cum Suarez l. 7. de legibus, c. 18. n. 12. adversus Ecclesiam non *præscribitur* nisi 40. annis, c. de quarta, &c. ad aures, de *præscript.* ergo neque contra legem canonicaem, seu Ecclesiasticam; nam consuetudo abrogans legem canonicaem suo modò *præscribit* contra Ecclesiam: responderi 1. ex num. 1743. dato anteced. negari conseq. cum sua probat, cuius ulterior ratio est, quia *objection* supponit falso, talem consuetudi-

1710.

1711.

1712.

1713.

re civili, nec canonico ullum tempus pro præsenti casu definitum sit; & ubi quandoque dicitur sufficere *decennium*, sermo solùm sit de præscriptione propriè dicta. Nam Resp. satis constare, quòd sufficiat tempus longævum, seu longum, ut habetur ex juribus n. 1684. decennium autem tempus longum est ex n. 1712. li-cet tempus longum importet etiam quandoque tempus majus, quandoque minus. Nam regulariter est decem annorum; ergo in dispositione favorabili rectè salvatur decenniò tempus longum, consequenter quasi præscriptio, qualis est, de qua in præsens agitur.

1714. Not. 4. consuetudinem rationabilem, & legitimè præscriptam vim inducendi novam legem, vel obrogandi veterem, non habere vi, seu naturâ suâ, ut diximus n. 1685. nec etiam ex consequente, sed antecedente voluntate Principis per legem expressa. Et non tam vi consuetudinis, quam voluntate Principis (consuetudinem ad ejusmodi effectum approbantis) lex nova inducitur, vel antiqua præexistens abrogatur. Et ideo consuetudo vim istam non habet, quòd Princeps ei non contradicat, cùm potest etiam moraliter; sed ex antecedente voluntate per legem intimata. Nam etiam in casu, quo Princeps tacet, & non contradicit, esto posset, non semper id, quod fieri novit, positivè approbat; cùm contingere possit, quòd habeat justas causas hic & nunc dissimulandi, prout constat ex c. super eo, de cognat. spirituali, ibi: si de consuetudine habeatur, ut talia conjugia permittantur in Ecclesia tua, dissimulare poteris, ita, quod nec contradicere, nec tamen videaris præstare assensum. Ex hoc colligitur cum Suarez l. 7. de legib. c. 12. ad fin. consensum Principis, ut consuetudo vim obtineat inducendi, vel abrogandi legem, non sufficere qualemunque, sed requiri claram ejus approbationem, æquivalentem vel legis constitutioni, vel abrogationi; alias lex foret sine positiva voluntate legislatoris.

1715. Not. 5. cùm dicimus, ad hoc, ut consuetudo, ratione temporis, dicatur præcripta, sufficere *decennium*, debere intelligi de decennio *continuo*, seu non interrupto; ita Suarez cit. c. 8. nn. 14. tum quia interruptio præscriptioni obstat; tum

quia, si interrumpatur, non durat decenniò, præsertim, cùm jura requirentia certum tempus ad aliquem effectum, intelligantur de continuo, & non interrupto; sic Navarrus consil. 87. de Regularibus nn. 1. V. dicta nn. 1705.

Not. 6. consuetudinem interrumpi, consequenter non esse continuam. 1. si Princeps introducentes consuetudinem puniat; sic enim tacitè resistit ejus introductioni; ita Suarez cit. c. 8. num. 15. vel, si per decretum, vel sanctionem positivè reprobet; tunc enim censet eam carere convenientiam, quam habere debet relate ad communè bonum ex nn. 1642. & seq. vel si à tota communitate, vel majori ejus parte contra consuetudinem agatur; etiam per unicum actum; quia sic deficit tacitus in idem consensus consuetudini legitimæ necessarius, ut constat ex juribus allatis à nn. 1683. vel si in aliqua lege cavetur contra consuetudinem per clausulam: contraria consuetudine non obstante; talis enim prohibitio, cùm sit in favorem legis, consequenter bonum Republicæ latè sumenda est, & nisi restringatur ad sola præterita, etiam de futuro intelligenda est; sic Haunoldius tom. 1. de jure, tract. i. num. 146.

Not. 7. quæ diximus de consuetudinē contraria legem, etiam intelligenda de consuetudine præter legem, quia nimis inducitur nova lex. Nam & hæc comprehenditur sub L. de quibus, & L. sed & ea, quarum textum retulimus supra. Aliam tamen promulgationem hæc tion requirit, quam quæ habetur per ipsam præscriptionem, hoc est, frequentiam actuum tanto tempore, communī consensione, liberè, ac animo inducendi legis obligationem exercitam.

Not. 8. et si verum sit ad præscriptionem juris, seu dominii requiri bonam fidem; hanc tamen non esse necessariam ad præscriptionem legis abrogantis præexistentem. Nam hæc inchoari, & produci potest per actus scienter exercitos contra legem existentem, ut constat ex dictis, adeoque per actus peccaminosos; at hi non procedunt ex bona fide. Et quamvis aliqui velint, hoc procedere, quando inducitur consuetudo via connivenzia, non autem via præscriptionis, propter c. Posseffor 2. de reg. juris in 6. hæc tamen regula

la procedit solum de præscriptione propriè diæta, & allativa dominii rei alienæ, qua is, contra quem præscribitur, privatur, non autem quasi præscriptione, & legis abrogativa propter clarum textum c. fin. h. t.

§. VII.

Qui possint consuetudinem inducere?

1719. **N**ot. nos agere de consuetudine *legali*, quæ scilicet obtineat vim vel legis novæ, vel simul abrogantis priorem. Et quoniam, ut vim istam obtineat, secundum dicta requiritur, quod frequentia actuum, quam consuetudo requirit, confessione libera, saltem majoris partis in idē convenientis, & animo inducendi legis obligationem, directè propter commune bonum fiat, rectè sequitur ab homine privato non posse inducere talem consuetudinem, præsertim legis abrogativam; id, quod etiam procedit de Principe, ut docet Suarez l. 7. de legib. c. 3. nu. 8. voluntas enim Principis non est *communis consensus subditorum*.

1720. Dices: privatus per præscriptionem potest se liberare ab obligatione legis; ergo potest inducere consuetudinem contra legem; patet conseq. quia inducere consuetudinem contra legem, nihil aliud est, quam illi tollere vim obligandi vel quoad totam communitatem, vel quoad partem. Ant. prob. nam, et si Episcopus de jure teneretur in correctione subditorum procedere ex consilio Capituli per c. 1. de præscript. in 6. tamen consuetudine à se introducta se exemit ab hac obligatione juxta c. non est, de consuetud. in 6.

1721. Resp. privatum per præscriptionem propriè dictam posse se liberare ab obligatione legis solum indirectè; non autem directè; hinc N. conseq. ad hujus prob. dico, inducere consuetudinem contra legem est illi directè, non autem solum indirectè tollere vim obligandi. Ad prob. ant. Resp. illum Episcopum propriè præscribendò contra jus Capituli (quo poterat exigere, ne in correctione subditorum procederet sine Capitularium consilio) solum indirectè emisse se ab obligatione contentain cit. c. 1. de præscriptione; quatenus legitima, & propriè dicta præscriptione sustulit illius materiam, nempe jus Capitularium, quo stante locus

erat legi, onus imponenti, ex eorum consilio procedendi; his positis:

Quæstio potissima hic est, an consuetudinem juxta, vel contra legem inducere possit communitas, quæ non gaudet jurisdictione condendi legem, vel faciendo statutum. Nam, et si non omnis habens potestatem ferendi legem, possit inducere consuetudinem, ut diximus nu.

1719. cùm hæc petat omnium de communitate, vel saltem majoris partis confessionem in idem, quod actuum frequentia exerceatur; secus tamen est in communitate, quæ legem, vel statutum condere potest; quia in ea non deficit posse consentire consensu omnium, vel majoris partis. Ad quæstionem porro propositam responsio affirmativa est, quam tenet Suarez l. 7. de legibus c. 9. à nu. 7. Salas D. 19. eod. sect. 6. nu. 59. & sect. 11. n. 90. Bonacina D. 1. q. 1. p. ult. §. 3. n. 13. & 28. quos citat, & sequitur Castropalaus P. 1. tr. 3. D. 3. p. 3. n. 4. Tota enim ratio in contrarium esse potest, quod talis consuetudo haberet vim legis, cuius tamen constitutionem facere non potest communitas, quæ caret jurisdictione, ut in præsens supponitur. Nam hæc ratio non obstat.

Pro cuius intelligentia not. consuetudinem, in quantum importat frequentiam actuum communi civium confensione per longum tempus usurpatam, non obtinere vim legis *naturâ suâ*, & ex vi talis frequentia etiam diu continuata (nam hoc explicat solum de materiali consuetudo) sed ex vi, & legali voluntate Principis, ei tribuentis formaliter hanc virtutem; ut expositum est superius nu. 1685. quo posito:

Certum videtur, à communitate, etiam destituta jurisdictione ferendi legem, non posse talam frequentiam actuum eomuni consensu liberè, ac diu continuatam animo, ut, ubi perfecta fuerit, secundum ea, quæ dicit de materiali, ex legali voluntate Principis recipiat formam, seu vim obligandi, aut tollendi legem priorem; quo casu utique vim legis, vel novæ, vel etiam prioris abrogativæ obtinebit: atqui totum hoc fieri potest, quin talis communitas gaudeat jurisdictione ferendi leges; ergo.

Ex dict. collig. i. consuetudinem juris indu-